

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

課鵝詞

山陰 吳秉鈞 琰青

調笑令 如夢令

長相思 生查子

浣溪紗 四調 昭君怨

壽堂春 玉樓春

鷓鴣子

望江怨

菩薩蠻

踏莎行

海棠春

玉人歌

漁家傲

二調

滿庭芳

二郎神

越溪春

醉江月

戚氏

水龍吟

滿庭芳

滿江紅

二調

驀山溪

金菊對芙蓉

課鵲詞

山陰 吳秉鈞 琰青

調笑令

春夜

花○謝○花○謝○又○值○春○將○歸○也○月○波○漾○藻○空○階○鑒○徹○羅○幃○  
別○懷○懷○別○懷○別○清○淚○流○成○鵲○血○

如夢令

閨情

花○上○雨○聲○未○了○欲○睡○時○光○又○早○無○語○下○珠○簾○忍○却○淚○  
珠○多○少○誰○曉○誰○曉○還○怕○夢○魂○驚○覺○

長相思

離別

南山青。北山青。兩兩猿聲送客行。難禁別離情。露  
珠明。淚珠明。風促征帆留不成。疎林日已平。

生查子

閨情

夜深銀漏長。夢裏春寒峭。起坐暗凝眸。漸聽鶯啼曉。  
侵曉啓窓看。花瘦人兒老。郎馬若歸來。認得王孫  
草。

浣溪紗

閨詞

年少誰家聘紫羅。謁漿偏到柳邊樓。向人幕地話春  
愁。不應那禁微露齒。無情因甚屢回頭。怪他故意。

弄風流

前調

細語樓邊欲去遲。行行還訂夜來時。君來須待月將移。有犬吠時呼婢子。無人行後啓門兒。路傍只許牡丹知。

前調

靜夜疎風冷繡帷。半窗殘月助人悲。天涯幽夢許相隨。舊恨每從春事歇。新愁又被鏡奩催。玉樓人瘦也應歸。

前調

露冷茶縈殘月西。夢中猶嘆獨眠遲。忽驚郎影在鴛  
幃。重縮舊時雙帶鳳。怎禁初曉半窓雞。覺來惟有  
畫簾垂。

昭君怨 山陰故里

朝往蘭亭舒嘯。暮返鑑湖垂釣。日落晚霞生。遠山平  
月映。小舟如鷺。欲向酒家留宿。更喜摘清流。晚菱  
多。

畫堂春 秋夜

淡○閨○無○奈○漏○初○長○露○濃○鴛○帳○微○涼○不○眠○強○起○步○迴○廊○  
影○不○成○雙○皓○月○平○鋪○素○練○輕○風○慢○散○餘○香○私○憐○幽○  
夢○隔○高○唐○誰○可○商○量○

玉樓春

寫懷

流○光○易○向○忙○中○老○蟻○陣○蠅○營○須○盡○掃○雖○然○學○道○古○來○  
難○何○事○遺○榮○天○下○少○調○琴○飼○鶴○空○山○曉○手○把○黃○庭○  
眠○碧○草○封○侯○豈○是○不○關○心○只○恐○邯○鄲○殘○夢○了○

搗練子

夜雨

風○颯○颯○雨○濛○濛○枕○上○愁○聽○午○夜○鐘○明○滅○紅○燈○時○厭○剪○



半○和○殘○夢○迷○梧○桐○

望江怨

縮柳絲作同心結

東○風○嫋○嫩○綠○低○迷○烟○霧○掃○攀○條○雙○締○巧○結○成○羅○帶○鴛○  
鴦○好○人○歸○了○重○問○舊○西○陵○堤○邊○蘇○小○小○

菩薩蠻

賦得春江花月夜

錦○江○波○起○一○堆○雪○綠○楊○悄○換○雛○鶯○色○斜○日○子○規○啼○落○  
花○衣○上○飛○歸○來○沙○路○黑○還○向○鞦韆○立○隔○岸○美○人○樓○  
笛○聲○月○半○鉤○

踏莎行

采蓮山

苔繡香堦。花堆粉院。無窮暑氣消團扇。起來呼婢約鄰娥。前溪試把紅芳剪。悄過蘭橋。還經柳岸。翠陰側露微羞面。櫓聲搖動。被人窺歸來。猶帶輕輕汗。

海棠春

閨情

昨宵枕上堆紅淚。聽雨打葉兒敲碎。漏靜悄寒生。夢破燈花墜。曉來正憶相思味。被鸚鵡笑人獨睡。強起畫雙眉。瘦到春山細。

玉人歌

聞鶯

蘭房裏。正牖外春來輕風如醉。曙色穿窓。燕子撲花。

碎雕欄倚遍無人見。最苦相思味。倦來時枝上黃鸝。  
攪人獨睡。惆悵未能止。縱粧罷。誰憐十分憔悴。暗  
拭雙眸。濕盡繡鴛被。憑他格磔千般語。伴我愁人淚。  
嘆青年易過。香消粉退。

漁家傲

月夜

霞散鬱藍天似洗。月華浮動清宵霽。孤雁一聲雲外  
唳。江上水。荻花難捲沙鷗起。把盞臨風重徙倚。登  
高笑傲人間世。要踏米壺行萬里。霜管脆。姮娥應笑  
人狂醉。

前調 春夜

一○架○亂○紅○飄○滿○砌○淡○烟○輕○鎖○梧○桐○細○行○過○小○欄○閒○獨○  
倚○春○去○矣○啼○鶻○猶○惹○人○憔悴○暝○色○紗○窗○風○乍○起○背○  
燈○偷○拭○相○思○淚○強○下○繡○簾○人○未○睡○剛○欲○睡○數○聲○雨○打○  
梨○花○碎○

滿庭芳 山居

燕○啄○籠○花○麋○銜○礪○草○春○光○約○畧○將○殘○斜○陽○西○崦○人○自○  
採○樵○還○又○是○清○宵○好○景○穿○林○杪○皓○月○初○懸○誰○能○曉○青○  
猿○素○鶴○長○嘯○伴○高○眠○窓○前○羅○筍○蕨○山○妻○穉○子○笑○語○

欣○然○任○頑○襟○木○石○塵○網○雲○烟○縱○有○軒○車○駟○馬○終○不○如○  
短○竹○疎○椽○纔○朝○旭○鄰○翁○載○酒○呼○上○釣○魚○船○

二郎神 新綠

曉○來○望○遠○正○艷○簇○滿○庭○芳○景○忽○燕○蹴○餘○英○蝶○拋○殘○覆○  
濕○翠○低○迷○露○井○爛○錦○池○亭○開○樽○處○嫩○葉○帶○雛○鴉○棲○暝○  
看○檻○外○幽○光○苔○痕○狼○籍○繡○幃○清○映○還○省○幾○番○夜○雨○  
薰○風○袪○冷○要○換○取○輕○衫○須○行○枝○上○應○也○羅○衣○乍○整○爲○  
惜○春○歸○更○驚○人○老○愁○見○碧○雲○千○頃○金○索○啣○飛○去○鷓○哥○  
躲○却○欲○尋○無○影○

越溪春

江村

幾○夜○東○風○吹○遠○樹○都○放○佛○桑○花○南○天○最○是○饒○春○色○把○  
亂○紅○散○入○人○家○傍○水○門○墻○沿○村○籬○落○一○帶○烟○霞○滄○  
波○曲○曲○流○斜○新○柳○纜○魚○槎○暫○移○雙○槳○往○返○水○上○俄○看○  
晚○市○魚○蝦○蟹○戶○蠻○姑○集○處○清○明○已○着○蕉○紗○

醉江月

文來閣玩月

通○天○飛○閣○倚○危○欄○覽○盡○漢○江○春○月○送○暖○風○來○吹○皺○綠○  
蹴○亂○波○光○如○雪○樹○着○烟○籠○山○經○雨○洗○萬○里○青○冥○濶○賞○  
心○能○幾○翠○樽○香○膾○催○設○况○有○鸚○鵡○才○人○鷓○鴒○詞○客○

麗○句○花○前○發○象○管○鵲○絃○高○揭○處○聲○落○海○雲○蛟○窟○鉛○水○  
搖○薰○蘭○膏○暈○彩○恰○補○燒○燈○節○更○闌○扶○醉○總○忘○身○在○南○  
粵○

戚氏 登文來閣有感

暮○春○天○亂○雲○低○壓○漠○江○邊○江○岸○人○稀○祇○多○新○燕○逐○飛○  
棉○當○年○說○梅○關○羅○浮○花○月○美○人○髮○無○限○嶺○表○烟○景○曾○  
是○留○得○五○羊○仙○不○道○來○此○端○州○風○物○但○覺○蕭○瑟○堪○憐○  
只○荒○崖○斷○碣○栖○竹○紅○鷓○啼○樹○青○猿○官○舍○也○恁○蕭○然○  
羅○雀○砌○下○蔓○草○碧○相○牽○長○來○向○逼○天○高○閣○徙○倚○危○欄○

意闌珊。縱目萬里。吳頭楚尾。都在雲間。酒旗戲鼓。記  
得年時。每自花底流連。更憶京華事。東風綺陌。寶  
鏡鳴鞭也。擬投毫棄帛。三杯拔劍舞龍泉。自來數載  
庭趨。轉蓬閩海。志愧凌霄。展任賞心。良友西園宴。時  
抱感瑋琚歌筵。況對他瘴霧蠻烟。望黔峽。幾葉蠻人  
船。又巖城外。枕柳弄影。日下平川。

水龍吟 久雨

深閨無奈春殘。雨絲留得寒成陣。金猊纔冷。玉雞又  
唱。惱來方寸。濕到珠簾。響穿羅幌。懶梳雲鬢。想昨宵



也被簷前點滴。驚幽夢無人問。起看池邊綠。嫩更  
無端惹將新恨。柔紅媚紫。一宵都做。粉捐脂褪。雙飛  
蛺蝶。曉來重過也。應驚認。惜花啼人泣。有誰相惜。把  
紅巾搵。

滿庭芳 綠陰

燕剪殘枝。鷓鴣梭嫩。葉落紅已自紛紛。初回午夢。腸斷  
是殘春。斜倚鞦韆架底。垂楊把翠色斜分。還疑是。霜  
絹袖上。輕染碧苔痕。黃昏微雨後。香歸羽扇。草濕  
羅裙。想韶華能幾。此際消魂。獨立無聊倦也。清陰裏

又掛冰輪登樓望蕭蕭竹影寒浸一溪雲

滿江紅

八月廿六日偕紅友尊菴升公禹金九錫遊七星巖和紅友韻

絲帆香萍湖內外鷗穿夾鏡望高岫琳宮遙在大羅

雲影教買魚蝦漁客網湖多魚小蝦尤佳看收蓮芡

村翁艇至三元閣升公已就船買雞頭煮食出城關便與俗塵疎添幽

興榕樹底菴清勝芭蕉上詞清永漸溪橋晚市落

霞風景共飽山厨菰米飯更嘗僧舍蘭花茗時木蘭盛開老

袖以蘭蕊罨製伴斜陽歸去有涼蟬邀人聽

閩茶淪之甚馥前調 雨後望漢江水漲

幾片春雲輕染就。一江新碧。高樓下飛來萬頃。翠光  
浮壁。鷗踏岸花紅世界。燕窺堤柳青消息。看南山影  
落彩霞斜。水輪出。微風起。空明擊朱闌外。誰家笛  
聽棹歌聲在。滄浪之側。細澱生時。和雪縐。洪濤捲處  
兼天白。羨扁舟釣叟把魚竿。情偏適。

驀山溪

文來閣晚眺

半宵梅雨。逗得愁腸轉。傑閣倚層城。謾登臨。遙青迎  
眼。山村徑曲。數點濕紅飛。珠浪濺。綺霞收。野戍荒烟  
斷。漁罾隱隱。蛙鼓螢星亂。耘罷老農歸。鷺鷥驚起蓮

塘○西○岸○江○流○今○古○能○有○幾○人○閒○千○里○靜○一○蟾○明○帆○帶○  
潮○聲○遠○

金菊對芙蓉

咏弄色芙蓉

石○措○消○紅○梅○精○減○素○誰○來○小○院○寒○裳○是○木○蓮○弄○態○粉○  
頰○窺○窗○捲○簾○相○認○纔○相○笑○忽○迎○眸○別○逞○新○粧○知○因○江○  
上○開○時○曾○學○秋○浦○鴛○鴦○疑○是○醉○眼○荒○唐○果○丹○砂○粒○  
米○頃○刻○移○將○豈○芳○叢○長○有○殷○七○韓○湘○衙○尊○待○賦○花○三○  
變○柳○三○變○先○擅○詞○場○抱○琴○重○約○炎○州○地○煖○欲○拒○無○霜○

高澹游

簡

曰留村司馬。蓋代偉人。篤生琰青。軼羣

才子。當蘭成作賦之歲。爲樊川嬉水之詞。麗藻  
紛披。閒情旖旎。鮮爭春艷。巧奪天工。寶馬東風。  
王孫芳草。洵可遠追五願。近擬八叉。

余少霞

蘭碩

曰琰青逸才。曠世縹緲風流。吐鳳雕

龍。慧心巧手。發爲詞調。轢柳凌秦。昔黃山谷之  
序晏小山也。有曰。其合者高唐洛神之流。其下  
者不減桃葉團扇。試拈此語。移贈琰青。庶幾無

媿。

名家詞鈔目錄

廬陵 聶先 晉人

纂定

長水 曾王孫 道扶

楓香詞

商丘 宋 犖 牧仲

永遇樂 賀新涼

如夢令 調笑令

浣溪沙 虞美人

青玉案 送我入門來

魚遊春水

唐多令

滿江紅

三調

夏初臨

念奴嬌

二調

滿庭芳

醉太平

高陽臺

桂枝香

綺羅香

二調

柳稍青

二調

水調歌頭

風流子

金菊對芙蓉

沁園春

酷相思

鳳凰臺上憶吹簫

洛陽春

玉聯環

阮郎歸

錦堂春

南歌子

江城子

蝶戀花

品令

鳳樓春

江城梅花引

絳都春

天香

水龍吟

摸魚兒

齊天樂



楓香詞

商丘 宋 學 牧仲

永遇樂

柳絮

望○去○非○花○飄○來○疑○雪○輕○薄○如○許○未○作○浮○萍○已○離○深○樹○  
此○際○誰○爲○主○隋○堤○三○月○幾○回○翹○首○一○片○漫○天○飛○舞○最○  
堪○憐○無○根○無○蒂○總○被○東○風○弄○汝○蹋○歌○魏○女○離○情○多○  
少○問○道○春○光○何○處○乍○撲○空○簾○旋○黏○芳○徑○好○倩○鶯○啣○取○  
還○思○往○日○鵝○黃○初○染○變○態○頓○分○今○古○枉○垂○着○長○條○踈○  
地○縮○伊○不○住○

賀新郎

呈李容齋學士

歲又將秋矣。向天涯、良朋高會。於今無幾。館閣雍容。稱好客。誰似青蓮才子。詞賦手。招來燕市。小院雙榆。新霽後。寫傷心。綺語清宵裏。爭擊鉢。任浮醴。余惟

翹首典懷耳。正窮愁柴門偃仰。未陪名士。妬殺曉風

殘月句。譜自娉婷女史。作佳話流傳不已。何日更成文字。飲共狂歌一曲。涼颺起。先寄訊。吾知已。

學士方有詞會

余適以病未赴

如夢令

白丁香八月復花

密。蓋。臨。風。香。細。艷。雪。幾。枝。分。綴。不。復。結。春。愁。占。斷。小  
園。秋。霽。庭。際。庭。際。妬。殺。一。叢。丹。桂。

調笑令

隰括吳門女子詩○任丘旅店題壁  
云妾白梳月號蓮仿家住半塘幼失

雙親寄養它姓姿容畧異慧業不同非敢  
擅秀閨中願効清風林下豈意我生不辰  
所適非偶日彈琴之相對百恨纏綿時捲  
幔以言征一詩哽咽余爰題之驛亭人各  
憐之黃上可耳其詩云吳官春淡怨別離  
風塵慘愴雙蛾眉鶻啼月落寸腸斷香消  
芍藥空垂垂流黃未工機上織生小殷勤  
弄文筆新詩和淚寫郵亭珍重寒宵誰面  
壁丙辰三月廿日北上過此挑燈細讀感  
慨係之因隰括原詩爲小令周貽好事云

面壁淚痕溼想見含毫燈下立風鬟雨鬢吳官隔芍

藥○香○消○堪○惜○明○妃○遠○嫁○歸○何○日○一○曲○琵琶○悽○惻○

浣溪沙

春城卽事

楊○柳○春○城○駐○憶○車○羅○衣○掩○映○女○牆○斜○江○南○粧○束○是○誰○  
家○城○下○有○人○閒○佇○立○芙○蓉○朝○日○望○來○賒○一○春○愁○緒○  
又○添○些○

虞美人

酒邊

橫○波○剪○得○吳○江○影○髮○覆○蝓○蛸○嶠○領○文○茵○初○上○臉○微○紅○恰○  
聽○雛○鶯○羞○澁○啣○東○風○輕○盈○擬○倩○遊○絲○惹○留○住○春○光○  
也○煖○香○艷○雪○綺○筵○邊○好○個○朦○朧○烟○月○斷○腸○天○

青玉案 自題楓香詞

楓香橋是黃州路。曾岸幘扶筇去。一望霜天風景暮。  
空山流水。白雲紅樹。動我悲秋賦。於今屢夢高歌處。  
聊取嘉名錫癡語。蘭畹金荃休見妬。花間低按尊前輕度。  
總愧江楓句。

送我入門來 闋怨

翠浪翻帷。紅綾燦枕。燈花細落銀缸。夜雨春風。寂寞  
掩蘭房。吐絲妾似蠶眠箔。奈化枳君同橘。過江此  
恨倩誰說。與願逐晨風飛去。遂到君旁。水遠山高。雲

樹但蒼茫。鴛鴦幾見池中睡。嘆芍藥空飄檻外香。

魚遊春水

漫憶

蕃馬屏風小。圍向洞房春正好。鴛鴦飛起不道雲深。  
波香映日曾憐杏蕊新。籠烟還憶楊枝裊。片月常虧。  
雙魚恁少。遠道萋萋芳草。天外山同眉黛掃。誰知  
孤客登臨。總傷懷抱。輕寒輕暝春歸久。閒悶閒愁秋  
到。早斷續哀蛩。蕭疎叢篠。

唐多令

偶憶

楊柳正如絲。蟲蟲見客時。比瓊花別樣芳姿。幾度問

年羞作客。微笑道。有娘知。回首便天涯。風情減。牧  
之。悵紅橋雲樹迷離。無限思量如夢寐。真薄倖。負佳  
期。

滿江紅

初伏雨中  
信超至

上乘興已返象亦洗畢矣賦

以寄  
慨

伏日炎蒸。長安道。喧傳洗象。正翻盆急雨。御河新漲。  
隔岸乍聞吹畫角。歸途已見排仙仗。有烏蠻赤脚跨  
將來。歸然狀。飛樓啓。乘輿上。天顏喜。宸遊暢。  
奈衝泥後至。翠華徒望。暮返柴扉仍寂寞。吟成斗室

添○蕭○爽○笑○吾○生○萬○事○總○蹉○跎○休○癡○想○

前調

拾瑤亭中秋讌集再次顧菴學士韻

澹○蕩○西○風○盡○吹○却○鱗○鱗○雲○漲○高○會○處○銀○蟾○乍○湧○清○光○  
無○恙○桂○影○婆○娑○河○漢○外○露○華○霑○灑○梧○桐○上○正○遙○天○一○  
片○好○秋○容○來○相○餉○擎○玉○斗○香○醪○漾○按○象○板○吳○兒○唱○  
漸○更○深○漏○轉○薄○寒○初○釀○誰○繼○謝○莊○今○夜○賦○空○傳○公○遠○  
當○年○杖○屨○素○娥○相○對○舞○霓○裳○紛○千○狀○

前調

秋廿西泖次顧菴江村韻

過○雨○西○溜○草○堂○裏○閒○看○新○漲○病○初○起○塵○襟○天○氣○詩○懷○



無○恙○波○影○如○雲○當○岸○走○蘆○花○似○雪○緣○階○上○見○攜○來○尺○  
半○鯉○魚○肥○鄰○翁○餉○衰○柳○下○扁○舟○漾○夕○陽○外○漁○歌○唱○  
更○舉○杯○邀○月○同○傾○花○釀○高○興○漫○裁○金○縷○曲○狂○游○還○覓○  
青○藤○杖○但○烟○霞○深○處○作○生○涯○真○無○狀○

夏初臨 本意

堤○柳○添○烟○苑○花○飄○翠○匆○匆○過○了○三○春○雨○霽○風○恬○清○和○  
撰○就○嘉○辰○閒○庭○草○色○如○茵○映○方○塘○碧○水○粼○粼○單○衣○初○  
試○疎○簾○乍○垂○密○箒○先○陳○幾○多○恨○葉○一○片○情○波○沈○腰○  
帶○減○潘○鬢○霜○新○山○蒞○水○渺○風○流○何○日○還○親○猶○記○同○君○

看雙雙燕拂梁塵。到斜暉、薔薇架邊。坐對仙裙。

念奴嬌

同王北山葉初菴王阮亭過張晴峯寓齋聽金山人彈琴

消憂何處愛張融。舟屋軒窗偏潤。綠樹陰森。新雨後、一架藤花爭發。文酒移情。烟雲過眼。俯仰塵襟。豁。枯桐挂壁。鞠通隱。隱曾齋。客有江左風流。郢中高調。抱取金徽。拂四座。無言燈影靜。清響傳來。超忽曲奏。離騷腸迴。冰炭宿鳥驚林樾。嗒然相對。當簷飛出。明月。

前調

夏日同徐方虎周廣菴弟子昭遊龍泉寺卽席有作

清和新霽杖孤筇。野外追隨上客。望去琳宮千樹裏。  
磬響乍傳遙碧。山色當門。葵花盈砌。到此塵囂隔脚。  
孟藉草賞心更擁圖冊。誰道冠蓋京華。偏容吾輩。  
泉石留行迹。醉後看松過別圃。細雨霑衣將夕。公瑾  
風流。偉長詞賦。此會高今昔。岑參兄弟。願言常奉遊  
屐。

滿庭芳

春日雨中同田子綸謝方山遊隣寺  
看花分賦時有寺僧能詩善字談久

坐月  
而歸

雨做清愁。人添羈恨。幾處花放春城。招尋初地。修竹

倚茅楹。千葉桃花灼灼。苔墻上薜荔抽萌。開樽好隣  
園灌木。百轉聽流鶯。移情當此日。山僧乍遇。人淡  
詩清。更書同顛米。筆陣縱橫。向夕花前小住。狂歌發  
共掩柴荆。天將霽。朦朧片月。深殿一鐘鳴。

醉太平

春閨用方虎偶作韻

花開亞枝。鵲飛遶枝。臨風偏惱萱枝。道春歸有期。  
窓懸網絲。琴閒鳳絲。傷心聊寫烏絲。問人歸幾時。  
萱枝

名

高陽臺

章江舟次讀玉田詞步集中韻

遠水拖藍晴峰送翠。徐牽三板輕船。野岸風箏。撩人  
恰是新年。垂楊不負東君約。裊鵝黃一色。堪憐更悠  
然。幾處漁歌。幾點村烟。家山回首斜陽外。但萋萋  
芳草。森森長川。十八灘遙。舟人指向鷗邊。紅牙漫拍  
王孫句。倚篷窓。聊破愁眠。莫垂簾。尚有江梅。尚少啼  
鵲。

桂枝香

蟹

江湖歲晚。正水落空洲。楓下高岸。設斲平沙。敗葦燈  
光零亂。輪囷乍向臨流得。掩青筐。霎時皆滿。誰憐攜

去漁莊草舍清霜一片。又早是重陽款宴。歎秋色  
殊佳。籬金初徧。幾處酒人對擘。新橙同薦。老蠶只愛  
持螯嚼。想眉山曠懷如見。還從醉後。茶烹石鼎。恍窺  
雙眼。

綺羅香

螢

借草生情。因風弄影。熠燿飄來何處。箇箇輕盈。點綴  
秋光無數。纔亂穿小幔疎櫺。又暗照空墻廢圃。似從  
他狡獪天孫。繁星洒作夜澗雨。佳人輕把扇子。好  
撲取閒堦上。玉纖籠住。凄切寒蛩。妬殺流輝遲暮。自

手偏宜對菊。醉發狂謳。鼓枻漫逐河流。有蕭娘窈窕。潛貯商丘。問故鄉雖好。可否同遊。天涯况未銷烽燧。看畫溪莫說尋幽。好將彩筆登臺賦雪。一笑淹留。

沁園春

題孔釋抱送圖賀大司農梁公兩舉丈夫子

列戟朱門。雕橋珂里。喜見懸弧。恰鳳雛載誕。參差玉笋。麟兒同育。錯落驪珠。如此奇逢。真稱佳話。豈復尋常吉夢乎。須知道。是尼山鷲嶺。送自雲衢。匡時共說司徒。宜堦下芝蘭秀色。敷羨食牛之氣。抱來競爽。驚人之骨。望去皆殊。千里神駒。一雙英物。異日追隨。

殿陛趨開筵處。任名流作画。詞客操觚。

酷相思

旅况

巷子條條看盡似。但塵影連天起。笑彈指光陰直個  
是。喫過了櫻桃矣。插過了荷花矣。剩有瓶中三日  
米。且自繙書史。問何不歸歟。偏戀此。還要看螢光耳。  
還要聽蛩聲耳。

鳳凰臺上憶吹簫

題周昉宮人調鷓鴣圖

寶髻盤雲。絳綃籠雪。內家粧束風流。向石邊小憩。藏  
却細鈎。還有侍兒執扇。苦逕裏映帶溫柔。傷心也。杏



花○在○手○凝○盼○枝○頭○  
啾啾綠衣娘子愛惜殺春光芳  
樹能留好教將言語等待宸遊似欲殷勤重問長門  
賦汝會吟不摩抄嘆一方素練貌盡官愁

洛陽春

摩訶菴看牡丹

映日齊開紅萼霞光交錯獨從初地占穠春似空谷  
佳人託憶昔看花張幕天香薰酌祇今惆悵近雕  
欄將勝事思量着

玉聯環

偶遇用阮亭個儂韻

纖腰恰傍垂楊樹瞥然驚遇尋常梳裹可憐人一縷

膩香風處。白板門邊歸去。盈盈微步斜陽飛絮。奈何天直欲作高唐賦。

阮郎歸

聞畫斜聲和方虎用山谷韵

雕籠小鳥兩眉彎。誰爲描遠山。好音縹緲落簷前。空堂成碧山。低格磔碎間開。新聲李義山。聽鵬携酒送春閒。何時少室山。

錦堂春

畫上美人

寶帶入盤倭倩。櫻脣一點鮮圓。低徊無語風前立。顧影自生憐。珠淚玉烟誰寫。膩香真色俱傳。明妃不

滅妖嬈態應費画工錢

南歌子

題吳門清河女子花鳥

寫鳥能生動。描花吐艷姿。深閨纖指露清奇。不數黃  
筌。崔白画家師。倦倚紅紅筆。愁凝小小眉。莫教風  
雨妬胭脂。留待雙雙富貴白頭時。

海棠牡丹  
白頭翁

江城子

感舊

筠廊秋艷菊花叢。命秦宮。理焦桐。坐向花前。纖手動  
清風。白紵輕衫腰一把。流盼好。送歸鴻。思量往事  
恨難窮。恁忽忽。水流東。寂寞高齋。桃萼又將紅。獨抱

雲和今夜裏誰忍弄月明中

蝶戀花

送曹義翁舍人歸毘陵用王阮亭民部韵

溽暑長安榴吐纈。客憶尊鱸不待清秋節。座上高談  
驚乍歇。篋中留得文如雪。折柳旗亭歌一闕。竟別  
東華人道真癡絕。無限相思何日徹。春申浦上蘆花  
月。

品令

咏阮亭寓齋竹用西樵先生韻

何可居無竹。共晨夕惟君獨。森森似束雨枝烟。葉聲  
飄。哀玉謾說千竿。如此一叢已足。依然淇澳。遍軒

檻皆新綠。恰宜阮籍高吟。月下清陰滿。且隙地無多。更種幾本寒菊。

鳳樓春

長安寄懷劉山蔚用見贈原韵

記得早鶯啼。紅杏初飛。宋城西。旗亭別路草萋萋。回首處暮烟迷。獨有河梁投贈句。任遠道相隨。酌餘醪。醉後何爲行歌燕市。故人天末。幾番惱殺分離。吹面麴塵。素衣今已化緇衣。中宵無寐。千種思惟。

江城梅花引

月夜過友人寓齋聽隣姬度曲

誰從比舍奏清商。小秋娘。小兜娘。一縷因風裊裊度

空墻燕語乍停鶯又囀。黃昏後聽來時。總斷腸。斷腸斷腸起徬徨。月有光。漏正長。欲去欲去不忍去。餘韻悠揚。彷彿天邊。過住片雲翔。好借君家苔徑裏。坐十日聽千巡。願始償。

絳都春

秋夜感懷寄方虎用其年元夜韻

炎蒸纔謝正暮雲斂盡。銀河斜掛。鶯燕風流。荷芰繁華。夢還惹。此時旅况何如也。舉目見新霜露尾。青燐燈火。紙窓竹屋。狂吟閒寫。中夜追思往日。向金門執戟競誇裘馬。一陣西風。又送羈人燕臺下。急須覓

破衣殘帕。同學者相逢如乍。且尋江表徐陵。月明詞話。

天香

龍涎香

島嶼蟠沙。烟波抱月。潛虬吐沫如許。斂自綃宮。滴同  
薇露。萬里浮槎誰取。博山小試似快剪雲英。一縷裊  
裊。長縈簾拂座。悵望海天何處。最憐空閨獨炷。對氤  
氲燕梁鶯戶。漫倚銀篝聽盡。夜深梅雨。此際相思不  
淺。嘆荀令風流頓非故。素被餘薰纏綿未去。

水龍吟

白蓮

田田漫舞銀塘魚牀捧出梨雲好。新粧淡佇。靜窺湍  
瀨。臨風窈窕。翠羽低穿。水滢斜壓。數枝偏皎。宛湘妃  
獨立。輕綃掩映。明璫綴波光照。三十六陂。綠蓼漸  
黃昏。冰姿恁情。開宜玉井。折應素手。闌紅都掃。露冷  
纔香。月明無影。薺花共老。對崔洲千朵。堪成雪賦。向

鄒枚道

宜洲在梁園卽  
鄒枚賦雪處

摸魚兒

蕙

甚江東綠波無際。柳湖風物尤美。露葵生處春洲遠。  
翠葉紫莖鋪水。輕摘起。見說道參差荇菜。渾難比烟



村小市。算只有吳鮮。依稀釵股。好自伴菰米。秋風  
動。有客天涯徙倚。采芳曾作歸計。當時但爲鱸魚膾。  
何事悵然如此。誰鼓柁。常是那香。羨調向蘆花裏。樽  
前漫記。與碧礪。芹芽。簾泉玉版。瀟酒共丰味。

齊天樂

蟬

西園漸屈清商節。疎林一聲。淒切。葉底潛流。枝頭乍  
送。常向空庭紛聒。齊姬恨結。正無限。傷心。曉風殘月。  
寥落高天。滿身涼。露響還歇。故園舊曾聽處。柴門  
閒倚杖。清韻飄忽。翻入雲深。傳來院靜。不數哀蛩啼。

鳩悲秋自說。任南陌東城斜陽明滅。更憶閨中。鬢絲  
真髣髴。

余曼翁

懷

曰。楓香詞情深。今古思入風雲。組織之

工。勝于鋪錦列繡。運思之巧。居然轆柳凌秦。賦  
鐵石之梅花。鬧技頭之紅杏。何其麗也。宜廣播  
于藝林。技至此乎。爰永傳于樂府。

陳其年

維崧

曰。秀琢則夢窗。細膩則片玉。至一種

縹緲離合之致。更復置身詞外。得離鈞三寸之  
妙。

吳園次

綺

曰。近之詞家。互爲澁體。施于樂府。競號

新聲。實有江河之憂。豈獨風雅之變也。先生楷

模八代衣被九州。乃以大雅之才。間爲小山之  
製。其周秦之麗節。而去其靡。寫辛蘇之壯懷。而  
無其亢。所謂永嘉之末。復聞正始之音也。

名家詞鈔目錄

廬江 聶先 晉人

卷定

長水 曾王孫 道扶

留村詞

清河 吳興祚 伯成

減字木蘭花 蝶戀花

畫堂春 南鄉子

明月逐人來 念奴嬌 七調

蘇幕遮 踏莎美人

水龍吟

水調歌頭

南歌子

玉樓春

木蘭花慢

惜餘春慢

西江月

攤破浣溪紗

桃源憶故人

柳稍青

朝中措

留村詞

清河 吳興祚 伯成

減字木蘭花

雪夜泊虎丘

寒塘如帶漁火參差烟柳外。山寺鐘聲喚醒騷人半  
世名。暫停遊屐北海樽前留一席雪壓詩魂高卧  
梅花不出門。

蝶戀花

寒食雨

堤上輕烟寒食路。烟際登樓樓外垂楊縷。小艇畫簾  
堤下駐。載他上冢龐公去。卷幙初來江燕舞。銜得

芹泥濕盡棠梨雨。怕到晴來春已暮。東皇好把春光護。

畫堂春 春日

輕烟漠漠柳絲長。條風吹斷斜陽。杏花十里玉樓香。畫裏紅粧。春夢纔歸巫峽。詩魂又入瀟湘。纖纖玉筍理衣裳。獨自思量。

南鄉子 午日次紅友韻

良會在高堂。一樹紅蕉滿院涼。剪取安期蒲泥竿。端陽客興都忘。滯瘴鄉。鸚鵡語如簧。簾外聲聲喚燕。



漿座上誰人能暢飲。朱郎髻插榴花三兩行。是日席上朱生

大醉

明月逐人來

中秋公懋用蘆州韻

遙峰積翠落霞散綺。黃花後碧天如水。揮盃勸影誰  
識。其中意。追想柴桑高致。華月今宵分外還多鼓  
吹。筵前客幾人醒醉。夜涼促坐。玉露秋衫被。肯負一  
天佳氣。

念奴嬌

題王右丞初冬欲雪圖

朝川餘墨灑輕綃。寫作初冬欲雪滿紙烟雲渲染處。

萬木參差如折林。鵲低飛。山雞僵立。溪水冰初結。阿  
誰干此詩。魂驢背清絕。展向茶幕松窗。蕭蕭如聽。  
風撼芭蕉葉。竹里詩翁何處也。華子岡頭無月。記載  
村醪共尋僧舍。此景曾吟閱。笠湖東畔。小山梅放時  
節。

前調 春申澗懷古

郊原一望盡凋零。又早秋深時節。霜氣真空雲慘淡。  
一雁驚寒聲怯。雲起樓前天均堂外。興廢誰堪別。春  
申古澗。雲烟樵客能說。試問昔日英名。而今安在。

空對蒼涼月。老樹扶疎盤澗底。落葉千層萬疊。徒倚  
斜陽。因風懷古。莫使雄心。折還應嘆惜。乾坤盡是華  
髮。

前調 雅集尺木堂用東坡韻

夢中髣髴春催到。花鳥山川雲物。搦管題詩長則向。  
第二泉邊石壁。雲氣填空。雨絲溼夜。窓外梅如雪。慚  
非北海座中都是英傑。猶憶昨歲尋春。梧軒高會。  
恰桃花初發。曾幾何時。方轉盼。烏兔東生。西滅。劍氣  
崢嶸。琴音磊落。搔鬢添霜髮。休辭爛醉。九龍峰畔。烟

月○

前調 壽杜于皇六十

半○生○高○潔○論○臭○味○宜○與○寒○梅○相○共○一○葉○扁○舟○無○定○處○  
正○值○河○橋○水○凍○迹○似○浮○雲○性○同○野○鶴○不○做○繁○華○夢○茫○  
茫○海○宇○先○生○久○矣○名○重○偶○向○玳○瑁○筵○前○逢○場○觀○劇○  
喜○聽○漁○陽○弄○花○市○不○須○頻○賞○酒○自○有○白○衣○相○送○泰○伯○  
城○邊○梁○鴻○溪○畔○會○否○詩○懷○縱○今○宵○烟○月○依○稀○偏○對○飢○  
鳳○于皇有飢鳳亭

前調 元宵後二日與諸同人集弘緒堂盞前韻

燈花燦爛記今宵。一十四人相共。一剪膽瓶梅破萼。  
已識春風解凍。遙想當年。開元勝事。惟有涼州夢。千  
秋佳話。相傳皆以人重。鬢髯柳外飄來。蓬聲縹緲。  
似梅花三弄。但有清尊堪把。醉莫把韶華暗送。火樹  
花飛。星橋霧捲。月向天心縱。瓊樓何處。乘風欲跨飛  
鳳。

前調

送秦太史留仙之楚再用前韻

十年聚首論心處。風雨山川相共。一旦離群荆楚去。  
秋盡三湘雲凍。君起東山。余淹歷下。兩地參差夢。臨

岐○凄○黯○但○言○前○路○珍○重○  
多○少○觸○鬪○蠻○爭○雲○翻○雨○覆○  
彼○此○嗟○朝○弄○友○道○于○今○已○絕○矣○  
良○藥○有○誰○相○送○後○會○  
難○期○今○宵○且○醉○須○把○高○懷○縱○  
勉○哉○行○矣○定○知○還○爾○池○  
鳳

前調 送嚴蓀友赴北再用前韻

烟○霞○氣○骨○出○山○來○  
便○與○高○賢○相○共○  
偶○爾○思○歸○還○策○蹇○  
鞭○指○黃○河○水○  
凍○花○柳○依○然○  
林○泉○無○恙○去○住○  
渾○如○夢○故○  
園○雖○好○主○人○  
却○是○情○重○  
當○世○正○爾○需○才○  
少○文○休○戀○  
金○石○藏○琴○弄○  
一○葉○孤○舟○回○首○  
處○惟○有○桂○花○風○送○  
雲○起○

樓空碧。山莊冷。飲興誰豪。縱長安片月，寄詞應可。白  
鳳。

蘇幕遮

新秋用清真韻

碧天高。涼月小。落葉空亭。試問秋多少。餘暑未歸寒  
未峭。何事隣家處處敲砧早。戰西風。蘆荻裊。雁下  
長空聲與雲俱到。潦倒關山鄉夢杳。倦起繩床。怕聽  
雞催曉。

踏莎美人

送顧梁汾之江右

月暗山城香疎桂樹。征帆遙指霞飛處。黃鸝白酒擬

相招試問君能回首一停橈、蓼渚看花蘆洲聽雨  
高吟莫待悲秋語西風落葉捲江潮此後相思俱在  
灞陵橋

水龍吟

秋夜同余澹心冀伯通鮑讓侯虎山橋醉月

湖山清絕如斯琉璃一片秋光好金梁百尺玉波千  
頃翠屏圍繞木落疎鐘星搖巨壑林幽風裊有寥天  
唳鶴出群鳴雁乘夜色翔雲表幾度傳觴把盞醉  
蓬萊山高月小詞客哀時騷人作賦洞天明曉隣笛  
驚秋漁歌激水數聲縹緲喜今宵相共幕天席地醉



眠瑤草

水調歌頭

壽余澹心徵君六十置酒聽楫軒同泰對巖巖蔬友陳集生稱觴

栗里街觴處。隆中抱膝時。天下文章在。是蕭瑟。鬢如絲。久矣騎龍弄鳳。又自乘風馭氣。造化任兒嬉。星則名爲客。謫墮照茅茨。凭玉案。拂錦席。舉金卮。南山

當戶一簾泉。瀑濺花籬。君正年當耳順。我自栽花百。里花裏種仙芝。明日中元耳。魏野獻新詩。澹心以七月十四日

生與寇萊公同日魏野獻詩云何時生上相。明日是中元。

南歌子

雨過試新茶

一院槐花雨。春波泛玉舩。冷金箋換濕紅箋。更有銀  
餅烹出小龍團。匣鏡凝宮月。屏山吼瀑泉。素筵傳  
過藥闌邊。漸喜簫聲吹送蔚藍天。

玉樓春

初夏焙茶

鴨頭水漲鷗波杳。夏淺淡春蝴蝶小。紅沾杜宇淚邊  
花。綠遍謝家池上草。鈿箏低度西窓曉。乳燕初飛  
鶯未老。水沉烟底透茶香。睡起玉川風味好。

木蘭花慢

杏花

春意何嘗闌。紅杏萼淡于梅。况細雨晨流宿醒半解。

曉夢初回。東風暖。西窓靜。畫樓邊。纔見一枝開。不與  
緋桃鬪豔。爭如荳蔻含胎。馬塍花圃。恰移來。帶露  
倚雲栽。有紫燕雙飛。黃鶯並坐。粉蝶徘徊。更有金城  
楊柳風流。搖曳好伴仙臺。騎省抽毫作賦。端明對月  
銜盃。

惜餘春慢

詠雨中杏花

融雪消冰。嫩寒春曉。正是落梅時候。纔過上巳。又值  
清明。燕子重來依舊。封姨作意顛狂。紅杏梢頭雨肥  
烟瘦。想斷腸人在江南。收拾舞衫歌袖。屈指算九

十春光。二分流水。恰剩一分居後。柳未抽條。桃猶斂萼。只有妖紅炫晝。誰家樓閣陰陰。蝶粉鶯簧。總難消受。怪東皇不放春陽。長見一池吹縵。

西江月 春閨

畫○檣○桃○殘○鳳○嘴○薰○鑪○蕪○透○龍○涎○新○鶯○嬌○噉○欲○明○天○好○  
夢○看○看○漸○遠○曉○起○慵○梳○倭○墮○春○愁○懶○拂○蠻○牋○滿○懷○  
幽○恨○倩○誰○傳○只○有○淚○痕○幾○點○

攤破浣溪沙 雨船

夏木陰森好挂罽。天公傾倒玉壺冰。滴破蓬窓敲破

枕○不○堪○聽○。幾○樹○雨○淋○批○頰○鳥○。一○溪○波○漲○折○腰○菱○。遙○望○小○橋○流○水○處○。露○孤○燈○。

桃源憶故人

題画

斜○陽○荻○岸○連○秋○水○。嶺○上○白○雲○時○起○。疊○嶂○層○巒○暖○翠○人○。在○清○溪○底○。杖○藜○嘆○世○者○誰○子○。只○愛○松○風○洗○耳○。牛○背○晚○烟○旖○旎○。一○棹○家○千○里○。

柳梢青

感懷

小○樓○吹○笛○藥○欄○花○榭○。誰○家○春○色○薄○。倖○揚○州○風○流○江○左○。總○成○虛○擲○。夢○回○酒○醒○天○涯○問○往○事○。一○床○蝴○蝶○。白○日○

義皇青山綺皓有人消得

朝中措 重陽

今朝忽見菊花黃。人道是重陽。杜甫登臺。潦倒孟嘉。  
落帽顛狂。雙柑如蜜。雙螯如玉。只恨他鄉。此月不宜。  
虛度山中風雨。淒涼。

余曼翁

懷

曰詞家盛推秦柳爲擅塲然其人率輕

佻浮華無事功可紀若韓魏公范文正周平園  
諸鉅公皆以填詞名則詞因人重不必定以楊  
柳外曉風殘月著聲紅牙白板間也留村先生  
雄才大略上擬范韓而彩筆縱橫目空一世當  
其捃梧而吟登高而賦倒傾三峽響震千門亦  
何減辛稼軒鎮南徐命侍兒歌千古江山時耶  
聶晉人先曰先生經濟文章首繫天下蒼生之望  
久矣而尊前馬上問爲詞調流傳於騷人墨士

之口。能令齒頰俱香。光騰二酉。若儼之前哲。當與韓范富歐爭光日月。質之藝林。當與梅村棠村共傳不朽。他日功標銅柱。銘勒燕然。鏡歌競鳴。河山清晏。豈非詞壇中千秋佳話也哉。

門人陳

大成

曰。夫子詞雄旨洽。綜博淵深。昔龔合

肥云。文人未見留村。猶之乎未睹滄海。見留村之詞。猶之乎見滄海之一波也。